

《勁歌金曲頒獎典禮》改為兩年一屆

曾志偉預告TVB今年將辦《大灣區音樂頒獎禮》



陳豪(右)和譚俊彥兩位視帝想合作拍劇。



吳偉豪與爸爸吳大強同場。



▲第八場TVB盃由1號「健康快駒」勝出，汪明荃頒獎給1號騎師。

香港文匯報訊(記者 梁靜儀)無綫電視及香港賽馬會攜手舉辦的「TVB賽馬日2023」19日於沙田馬場舉行，無綫電視主席許濤、總經理(節目內容營運)曾志偉、總經理(商務營運)蕭世和，率領超過40位藝員出席，包括2022香港小姐冠軍林鈺洵、亞軍暨國際親善小姐許子萱、季軍暨最上鏡小姐梁超怡、友誼小姐邢慧敏、汪明荃、陳豪、譚俊彥、陳展鵬、黎諾懿、江美儀、高海寧、姚子羚、陳煥、吳若希、陳嘉慧、吳業坤、劉丹、樊亦敏、陳浚靈、高鈞賢、黃智賢、朱晨麗、邵初及朱凱迪等，而《中年好聲音》參賽者亦即場獻唱。



◆志偉率領多位TVB藝員出席「TVB賽馬日」。

許濤表示：「TVB與香港賽馬會長期以來都有着良好的合作夥伴關係，TVB一直無間斷把精彩的賽馬內容傳播給香港觀眾，為了進一步擴大賽馬內容的觀眾，去年TVB將賽馬節目從J2遷移到財經·體育·資訊台播放。在短短數個月內，本地賽馬和賽馬相關節目每星期接觸觀眾人數已經逼近一百萬。」

總經理曾志偉表示，「TVB賽馬日」相隔22年後今年復辦，是適逢疫情剛過去，希望舉辦賽馬日與眾同樂，帶歡樂給大家，同時不論輸贏，都可以藉着今次賽馬日做善事。問到志偉可有馬匹出賽？他慨嘆說：「嗰馬走得七七八八啦，現在同朋友仲有一齊夾份養兩三匹馬，買馬係可遇不可求，有啲馬好平買返嚟結果就贏大賽，有啲馬好貴未必會贏，再養馬都要講緣分，買馬命運最緊要。」身為馬主的志偉表示，買馬心得是不會全信貼士，他說：「我唔會完全聽貼士，有時會用自己幾十年的資料落注，試過四五年前投注2,000元，有1,600萬元派彩，中咗嗰次之後，就冇人問我，但之後就成年有再中過，個個見我贏錢，其實我輸多過贏。」

曲音樂頒獎禮》，問到TVB今年又會否舉行《勁歌金曲頒獎典禮》？志偉透露《勁歌金曲頒獎典禮》將變為每兩年一屆，中間會舉辦《大灣區音樂頒獎禮》。問到香港歌手得獎機會會否較少？志偉就稱很多香港歌手在大灣區很受歡迎，而今年就會先舉辦《大灣區音樂頒獎禮》，屆時香港、內地、東南亞的歌手都會參與，現時仍處於籌備階段，預計今年八九月舉辦。

譚俊彥想與陳豪合拍喜劇

19日陳豪為無綫電視職藝員愛心基金獻出第一次手沖咖啡籌款，第一杯「陳豪咖啡」得到許濤率先慷慨捐出港幣\$12,888，為TVB愛心基金籌款打響頭炮。此外，陳百祥(叻哥)、馬評名嘴方駿暉現場提供贏馬貼士；歌手吳若希、吳業坤、《中年好聲音》參賽者吳大強、李佳現場獻唱；蕭秀香(三姐)則炮製「胡椒蘿蔔豬腳筋」，寓意大家橫財就手。

陳豪和譚俊彥(Suaun)對於入馬場參與公司的賽事感到相當高興，陳豪表示已有幾年沒入過馬場，所以在走過來時緬懷起以往出席馬場活動的日子。Shaun就笑說：「因坐嚟曾志偉附近，唔覺意聽到幾個號碼。」問到兩人會否有合作機會？他們透露早前為TVB賽馬日拍攝宣傳片，為兩人合作先熱身，兩人更異口同聲希望合作拍喜劇，Shaun大讚陳豪是搞笑能手，跟他一齊拍喜劇會很好玩。陳豪透露原本兩人有合作機會，但現要押後至六月。Shaun表示稍後將會與余詩曼(阿余)合作拍劇，春節期間兩人到監製戚其義家中舉行聚會碰頭，他希望能跟阿余擦出新火花。此外，陳豪表示趁暫時仍未開工有空檔，計劃跟太太陳茵媺去旅行過二人世界，因為是對太太的承諾和保持夫妻之間親密關係。同為丈夫的Shaun聞言即說：「我有預感返回去(屋企)有說話聽。」

志偉認同節目需與時並進

另外，近日香港通訊事務局公布免費電視台及電台牌照中期檢討，根據2021年諮詢期間收集的意見，有觀眾批評無綫電視劇集和綜藝節目比較懷舊及欠缺新意、偏向中年觀眾為主，問到志偉新年節目方面會否有多些新意？志偉承諾一定會有：「我哋公司係以觀眾層為原則，都係家庭觀眾多，所以好似《獎門人》咁雖然都做咗20幾年，但都係一個老少咸宜嘅節目，公司有幾個部門會繼續研發新嘅節目同劇情，要與時並進係好重要。」兩地全面通關後，志偉亦有飛往內地跟當地電視台傾談，大家都覺得做節目要追得上時代變遷。

提到港台今年將獨立舉辦《十大中文金

不想跟前夫復合

江美儀期望有新桃花



◆江美儀希望今年繼續好運。

香港文匯報訊(記者 梁靜儀)江美儀表示來到馬場都會落注少少。美儀表示近日都是忙於同朋友食飯慶祝得獎，但都有一些工作接洽中，希望今年繼續好運。問到與無綫續約的進展？美儀表示公司都有搵她傾長約，但要坐低慢慢傾。問到簽約無綫還是邵氏？她說：「都未知，要聽經理人話，我唔可以丟低佢，大家共過患難。」美儀得獎後工作不斷，她透露3月將會與陳山聰合作拍一個政府宣傳片，並自曝為與對方合作，大酬賓減價接拍，此外，又有很多慈善工作及到學校出席分享會。美儀日前為有份主演的電影《易經風雲錄》包場，邀一眾親友觀看，前夫吳君祥及前奶奶「冬嬌」亦有到場支持。美儀表示事前並不知道冬嬌會出席，又稱與前夫一直關係好好，大家仍是朋友。問到與前夫有否復合機會？她卻笑說：「我想嘆吓新嘢，因為師傅話我60日內好大機會有桃花，係好桃花，否則就等到11月，所以唔好寫我哋復合，抹殺咗我哋機會，做人要向前看，前夫亦沒有特別表示。」

港姐林鈺洵(Denice)、許子萱及梁超怡表示已是第二次入馬場，子萱與超怡都表示上次因為有貼士，所以都有所斬獲。不過Denice卻要輸錢：「原本贏少少，但之後輸返，我有冇



▲港姐林鈺洵(中)、許子萱(左)及梁超怡(右)已是第二次入馬場。

橫財命，都係為感受現場氣氛，所以先落注。」三人又笑稱今日都會下注支持公司賽事，Denice揚言會下重注：「希望可以贏多啲，我會將銀包最大喇張紙幣用嚟落注，會買100蚊，對我嚟講已係重注。」贏過錢的子萱今次亦一定會下注：「我會問叻哥(陳百祥)，上次佢都有畀貼士我，所以中咗，不過唔係贏好多錢，我哋上次係第一次去馬場，所以好多人畀貼士我哋。」

自爆情人節驚喜收花

高海寧話送花者有目的



◆高海寧(左)和陳煥盛裝到場。

香港文匯報訊(記者 梁靜儀)高海寧(高Ling)及陳煥(煥哥)19日盛裝到場，高Ling笑指到場後不停「偷聽貼士」，又大爆有同事投注了60元，卻贏得2千多元，事後高Ling指黎諾懿就是她口中的贏家。煥哥則笑指已交低一千元給「信得過的人」，希望有所斬獲。當談到橫財運，她笑答：「打死都話有。」高Ling表示試過參加遊戲節目，抽到91張一千蚊紙，最後竟然給她贏了9萬1千蚊獎金及獎品。她又說：「嗰次同今日一樣，都係穿桃紅色，希望旺一旺佢。」煥哥笑說：「咁我都試過用100蚊亂畫三重彩，結果畀我贏幾千蚊。」

剛過去的情人節，煥哥於社交平台放閃，大晒老公所送的鮮花，她甜笑說：「嗰朝佢突然問我有冇見到彩虹，我話有，點知下午就收花，(有冇禮物收?)仲唔夠呀？我就煮咗佢好鍾意食嘅嘢，花咗好多心機同時間，都付出好大，佢就只係花錢啫。」高Ling又自爆情人節都有收花：「嗰日我去咗花店買花，但所有花都包紮好晒，我想買單枝，女店員好就咁送咗束花畀我，但叫我下次去幫襯。(快啲搵返個人送花?)要睇緣分，我都好努力啲。」

陳嘉慧(Erica)以低胸連身裙性感上陣，她表示因首次到馬場，特別以盛裝出席。至於工作方面，Erica表示剛拍完旅遊節目，趁暫時未有劇開，計劃去旅行。

◆陳嘉慧以低胸連身裙上陣。

自覺人生已完整

Sammi無意當媽

香港文匯報訊(記者 梁靜儀)鄭秀文(Sammi)和陸駿光在電影《流水落花》中飾演夫妻，二人日前為影片接受訪問。現實中二人都已婚，問到可有將現實夫妻相處投放在角色中？Sammi就指角色跟真實的自己不相似，所以難以將真實的自己放入角色中，她說：「因為天美姨係個好硬淨嘅女人，人生經歷咁大傷痛，幾乎遺忘咗笑，直至遇到領養嘅小朋友，聽到小花叫我媽媽之後，就不自覺笑出來，天美姨唔喜歡將內心表達出來，但現實生活中嘅好鍾意分享，返到屋企我會好多嘢講，所以比較難將自己真實個性擺落部戲度。」

已婚多年的Sammi，不諱言完全沒有做媽媽的慾望，亦不期待聽到有人叫自己做媽媽：「每個人對愛嘅體會都唔一樣，有啲人通過做媽媽覺得人生完整，但我覺得現在嘅人生已非常完整，最重要我搵到理想生活模式，有另一半又有寵物對我嚟講已好足夠，因為我需要絕對自由嘅人，無論精神、肉體同時間上嘅自由。」Sammi又稱以前都曾有刻想過做寄養家庭，但領養就沒有，不過想到自己的個

性，還是養寵物比較適合。問到她又可曾想過做媽媽？Sammi說：「20幾歲有想過，但唔強烈，到30歲就有諗過，因慢慢摸索就好清楚自己個性想要嘢。」

非常接受老去的自己

Sammi在戲中跨越13年，有多個不同造型，甚至接近素顏演出，Sammi認為女演員要誠實面對自己是很重要的：「大銀幕係好殘酷，女演員隨住歲月流逝，一定睇到自己外貌變遷，一定唔係似廿幾歲，反而成為演戲經歷與養分，女演員好難忘個老字，但當下角色要呈現到五十幾歲，就要誠實呈現個狀態，有皺紋就皺紋，老喇咪老喇，去到呢個階段，我非常接受自己，我好願意將最真實、毫無遮掩嘅自己擺出嚟，亦正正係呢份真觀覺得好睇，係一個里程碑，如果一個女演員去到某一個階段接受唔到自己，就應該stop，不如唔好做。」Sammi希望像外國的女演員，演到五六十歲，呈現真實狀態。陸駿光亦覺得這樣很美。最後，Sammi希望觀眾看完影片，明白作為媽媽的大愛。



◆Sammi願意呈現最真實的自己。

▲Sammi與陸駿光接受訪問。